

養浩堂詩集序

議官宮島栗香一日訪余於鷗渡草堂。余喜而延之。座命酒酒酣栗香出其所携之詩稿乞余題一言且曰。以僕少時之所哦也。當時天下既屬多事而僕安閑在家日賦詩作文以弄風月。未嘗有一語及邦國。每追思到此輒赧然自慙矣。余笑曰不然。昔呂尚孔明之釣耕在野。蓋亦不過吟哦風月耳。栗香曩日能安閒在家。故及其一出也。拮据周旋。竭盡心力。而有功于國家。以其所以為栗香也。然則斯集也。雖與清廟之頌歌並傳亦可。安得為閑言詬哉。是為序。

香雪書屋東

辛未嘉平月春嶽源慶永撰并書